

Bywyd Gwylt yn eich Ward – Hengoed



Mae **Partneriaeth Natur Sir Gaerfyrddin** wedi creu'r proffil hwn i dynnu sylw at rai o'r bywyd gwylt, cynefinoedd a safleoedd pwysig yn eich ardal leol.

Mae Sir Gaerfyrddin yn cael ei dathlu, ac yn haeddiannol felly, am yr amrywiaeth yn ei hamgylchedd naturiol, o'r ucheldiroedd yng ngogledd-ddwyrain y sir i'n harfordir godidog.

Mae pob ward yn cyfrannu at y rhwydwaith cyfoethog ac amrywiol o gynefinoedd bywyd gwylt sydd yn y sir, boed hynny'n goetiroedd, yn laswelltiroedd, yn berthi, yn afonydd neu'n erddi.

Mae bylchau o hyd yn ein gwybodaeth am amgylchedd naturiol Sir Gaerfyrddin a'r bywyd gwylt y mae'n ei gynnal. Er bod gennym gyfoeth o ddata, nid yw rhai rhywogaethau a darnau o gynefinoedd arbennig wedi cael eu cofnodi na'u mapio o hyd. Mae bob amser ragor i'w ddarganfod.

Mae brithwaith cynefinoedd Hengoed yn ffurfio **rhwydwaith ecolegol**. Os yw'r cynefinoedd hyn yn cael eu rheoli a'u cysylltu'n dda, a'u bod yn ddigon helaeth, byddant yn cynnal amrywiaeth o rywogaethau ac yn helpu i greu amgylchedd naturiol **gwydn**. Mae amgylchedd naturiol **gwydn** yn cynnal bywyd gwylt ac yn darparu ystod o **wasanaethau ecosystem**, e.e. cynhyrchion amaethyddol, pryfed peillio, pren, dŵr yfed, rheoli llifogydd ac erydiad pridd, storio carbon, hamdden ac ysbrydoliaeth. Rhagor o fanylion: <https://bit.ly/31pNXT>

Mae bywyd gwylt a'n hamgylchedd naturiol yn adlewyrchu diwylliant lleol a gweithgarwch dynol yn y gorffennol. Rydym yn gweld hyn ym mhatrymau caeau a pherthi ein tirweddau amaethyddol, ac mewn ardaloedd a oedd gynt yn

ddiwydiannol iawn lle mae cynefinoedd newydd yn datblygu ar dir diffaith heddiw. Yn ogystal, mae enwau ein ffermydd, ein tai a'n strydoedd yn rhoi ambell awgrym ynghylch hanes ein hamgylchedd naturiol.

Rydym yn gobeithio y bydd y proffil hwn yn ddiddorol ac y bydd yn eich annog o bosibl i archwilio eich ardal leol a chofnodi'r hyn rydych yn ei weld. Mae dolenni yn y proffil a fydd yn eich helpu i gael rhagor o wybodaeth ac i weithredu'n lleol.

Diolch i bawb yn ward Hengoed sydd eisoes wedi anfon gwybodaeth a lluniau atom. Gellir diweddarau'r proffiliau hyn felly daliwch ati i anfon gwybodaeth atom am y 'Bywyd Gwylt yn eich Ward'.

Ariannwyd gan Lywodraeth Cymru drwy brosiect Partneriaeth Natur Leol Cymru

Cynhyrchwyd gan Gyngor Sir Caerfyrddin fel rhan o Partneriaeth Natur Sir Gaerfyrddin

I gael rhagor o wybodaeth cysylltwch â: Bioamrywiaeth@sirgar.gov.uk


Ward Hengoed

Mae gan Hengoed dirweddau gwledig ac arfordirol, ac mae llawer o'r ardal yn mwynhau golygfeydd dros Gilfach Tywyn tuag at Benrhyn Gŵyr. Mae aneddiadau'r Pwll, Ffwrnnes a'r Sandy yn cwtsho'r arfordir ar hyd ffordd yr arfordir a'r rheilffordd. Ar hyd yr arfordir mae tirweddau newydd Parc Arfordir y Mileniwm, a'r Pwll Llundw a Gwarchodfa Natur Leol Merllyn y Pwll a Pharc Dŵr y Sandy, wedi disodli tirweddau cloddio glo a diwydiannol y gorffennol, gan adfer bioamrywiaeth yr ardaloedd hyn. Mae safleoedd bwydo arfordirol cyfoethog y traethau, gwastadeddau llaid, a'r dyfroedd bwydo bas yn rhan o safle o bwys rhyngwladol ar gyfer adar gwylltion a rhydyddion gaeafu. Wrth symud oddi wrth y môr caiff y ward ei rhannu gan ddyffrynnoedd serth a choediog Dulais a Chwm-mawr, ynghyd â Chwm Trebeddod, sy'n bwydo pyllau Ffwrnnes. Mae'r llwybr heibio'r 'pyllau', a'r llecynnau o gynefinoedd gwlypdir ymylol, ac i fyny'r dyffryn coediog cymysg hwn, yn cynnig cyfleoedd rhagorol i brofi cynefin coetirolo o un tymor i'r llall. Gall coetiroedd cysgodol o'r fath, yn agos at yr arfordir fod yn arbennig o bwysig i ystlumod. Rhwng yr ardaloedd hyn mae tir amaethyddol cynhyrchiol yn llenwi'r dirwedd, ond ar lethrau serthach y bryniau arfordirol, lle y mae'r tir eto'n serth, ceir mwy o goetir a llystyfiant prysgwydd, ac mae'r olaf yn cefnogi amrywiaeth cyfoethog o adar magu, ymlusgiaid a phryfed.

Rhywogaethau arbennig yn eich ward...



Mae'r holl rywogaethau yn eich ward yn bwysig mewn rhyw ffordd ac yn helpu i wneud eich amgylchedd naturiol yn arbennig. Mae Llywodraeth Cymru yn rhestru rhai o'r rhywogaethau a gofnodwyd yn Hengoed fel rhai pwysig iawn ar gyfer bioamrywiaeth yng Nghymru - felly mae eich ardal yn bwysig. Dyma rai o uchafbwyntiau eich ward.



Mae deg rhywogaeth o ystlumod wedi'u cofnodi yn eich ward. Mae cynefinoedd amrywiol y ward (gan gynnwys adeiladau a gerddi) yn darparu amrywiaeth o gynefinoedd ar gyfer ystlumod. Wyddech chi fod un ystlum lleiaf yn gallu bwyta 3000 o bryfed mewn un noson?



Mae'r bengaled gyffredin (neu ddu) yn blanhigyn tebyg i ysgall y gellir cael hyd iddi ym mhob math o laswelltiroedd, o ymylon ffyrdd i rodfeydd mewn coedwigoedd. Mae'n blodeuo o fis Mehefin i fis Medi. Mae'n ffeffryn gyda phob math o bryfed peillio ac weithiau mae wedi'i orchuddio gan y glöynnod byw a'r gwenyn hyn.



Amcangyfrifir bod tua 50,000 o rydwyr ac adar gwyllt yn gaeafu yng Nghilfach Tywyn - sy'n ei wneud yn safle pwysig yn rhyngwladol i'r adar hyn – cadwch lygad am Hwyaden yr Eithin, y Chwiwell, y Corhwyad, a'r Hwyaden Lostfain (adar gwyllt) a rhydwyr fel Pioden y Môr, y Pibydd a Hutan y Tywod ar hyd yr arfordir.



Erbyn hyn mae'r Cudyll Coch yn fridiwr prin sydd i'w weld yn lleol iawn ledled y sir mewn cynefinoedd agored 'garw' sy'n cynnal ei ysglyfaeth sef mamaliaid bychain. Mae nifer o gofnodion yn eich ward. Maent yn nythu mewn tyllau mewn coed felly mae blwch Cudyll Coch yn gallu bod o help mawr.



Mae'r Tegeirian Nyth Aderyn melyn yn byw ar wastraff dail mewn coedwigoedd cysgodol. Mae'n blanhigyn gwelw a drychiolaethol. Mae yna boblogaethau bychain mewn coetiroedd arfordirol sy'n cynyddu ac yn gostwng dros gyfnod o tua 5-10 mlynedd.

Sut y gallwch helpu?

Os ydym am ddiogelu'r bywyd gwylt yn Hengoed, gall y bobl sy'n byw yma wneud gwahaniaeth go iawn. Mae llawer o grwpiau ac unigolion yn cofnodi eu bywyd gwylt lleol ac ardaloedd rheoli ar gyfer Natur yn y sir.

- ➡ Mae eich ward yn y 10 ward uchaf ar gyfer cofnodion o rywogaethau, ond dim ond dau gofnod o'r Gwch sydd.
- ➡ Ydych chi am wybod rhagor am rywogaethau a chynefinoedd arbennig y sir? Beth am fynd i dudalennau gwe bioamrywiaeth y Cyngor a'r adran am Gynefinoedd a Rhywogaethau â Blaenoriaeth yn y sir <https://bit.ly/3rECiea>
- ➡ Darganfyddwch beth sydd yn eich ardal - edrychwch yn agosach ar yr hyn sydd o'ch cwmpas - rhowch wybod i ni. Mae'n anhygoel!
- ➡ Rheolwch lecynnau yn eich ysgol, pentref a'ch gerddi lleol ar gyfer bywyd gwylt - gwnewch le ar gyfer byd natur.
- ➡ Ymunwch â grŵp cadwraeth lleol - rhowch o'ch amser i wirfoddoli ar gyfer byd natur.


I gael amrywiaeth o syniadau, ewch i: <https://bit.ly/3l6NkXt>

Dolenni defnyddiol:

- Tudalennau gwe bioamrywiaeth Sir Gaerfyrddin: <https://bit.ly/3bDosTK>
- Cynllun Adfer Natur Sir Gaerfyrddin: <https://bit.ly/3oBFQlu>
- Partneriaeth Bioamrywiaeth Cymru: <https://bit.ly/3bCVWsm>



Cofnodion rhywogaethau yn y ward hon a gedwir gan Ganolfan Wybodaeth Bioamrywiaeth Gorllewin Cymru - Rhagfyr 2020



Helpwch i gofnodi'r rhywogaethau sydd yn eich ardal


Mae Canolfan Wybodaeth Bioamrywiaeth Gorllewin Cymru (WWBIC) yn ffynhonnell werthfawr o wybodaeth am fywyd gwylt y sir a gall unrhyw un gyfrannu. Mae rhywogaethau cyffredin yn aml yn cael eu tangofnodi fel nad oes angen i chi fod yn arbenigwr.

Mae gan WWBIC lawer o gofnodion biolegol ar gyfer Hengoed (gweler y map uchod).

Beth am gofnodi'r rhywogaethau rydych yn eu gweld yn eich gardd neu tra byddwch allan am dro? Mae sawl ffordd y gallwch gofnodi gyda WWBIC, drwy e-bost, ar wefan WWBIC neu ddefnyddio Ap LERC Cymru. Gellir gweld rhagor o wybodaeth yma: <https://www.wwbic.org.uk/wildlife-recording/>

Mae llawer o wefannau a all helpu i adnabod rhywogaethau. Os ydych ar y cyfryngau cymdeithasol beth am ymuno â Chofnodi Biolegol Gorllewin Cymru (www.facebook.com/groups/westwalesbiorecording/)

Safleoedd arbennig yn eich Ward



Mae'r map hwn yn tynnu sylw at y safleoedd arbennig ar gyfer bywyd gwylt yn eich ward a hefyd, lleoedd i fynd am dro ac ymweld â nhw yn Hengoed.

➡ Yn Sir Gaerfyrddin mae gennym rwydwaith o safleoedd 'dynodedig' sy'n cael eu diogelu ar lefel genedlaethol neu ryngwladol - dyma'r enghreifftiau gorau o gynefinoedd penodol yn Sir Gaerfyrddin neu hyd yn oed yn y DU a/neu leoedd lle mae rhywogaethau pwysig yn byw. Y safleoedd hyn yw congffeini gwaith cadwraeth, gan ddiogelu craidd ein treftadaeth naturiol.

Hoffech chi wybod mwy? Ewch i wefan Cyfoeth Naturiol Cymru - <https://bit.ly/3qFgdee>

Sylwer: Nid oes gan y safleoedd gwarchoddedig hyn fynediad cyhoeddus o reidrwydd oni bai bod ganddynt Hawl Dramwy Gyhoeddus yn mynd trwyddynt neu eu bod ar Dir Mynediad Agored (gweler y dudalen nesaf).

➡ Yn lleol mae gennym hefyd warchodfeydd natur â chynefinoedd a rhywogaethau pwysig sy'n cael eu rheoli gan ystod o sefydliadau. Rhagor o fanylion: <https://bit.ly/3tgm4Kt>



➡ Mae gan eich ward rwydwaith o Hawliau Tramwy Cyhoeddus. Mae'r llwybrau troed hyn yn agored i bawb eu mwynhau ac yn ffordd wych i chi archwilio eich ardal leol a'r cynefinoedd a'r bywyd gwylt sydd ynddi. Mae gan y sir hefyd ardaloedd o 'Dir Mynediad Agored'.



➡ Mae 'Tir Mynediad Agored', o dan Ddeddf Cefn Gwlad a Hawliau Tramwy (2000), yn cynnwys tir agored (mynyddoedd a rhostiroedd) a 'thir comin cofrestredig'. Mae hefyd yn cynnwys ardaloedd o 'dir penodedig' lle mae rheolwyr fel Cyfoeth Naturiol Cymru yn caniatáu mynediad am ddim. Yn yr ardaloedd hyn cewch gerdded lle bynnag y dymunwch, ac yn y coedwigoedd a reolir gan Cyfoeth Naturiol Cymru cewch hefyd fynd ar gefn ceffyl neu feicio ar draciau'r goedwig, ond byddwch yn ystyriol o ddefnyddwyr eraill. Rhagor o fanylion: <https://bit.ly/3oAZLkC>



➡ Mae Hawliau Tramwy Cyhoeddus yn cynnwys llwybrau troed, llwybrau ceffylau, cilffyrdd cyfyngedig a chilffyrdd sy'n agored i bob math o draffig. Mae dros 2400km o Hawliau Tramwy Cyhoeddus ledled Sir Gaerfyrddin sy'n darparu gwahanol lefelau o fynediad cyhoeddus oddi ar y ffordd, o gerdded i farchogaeth a beicio. Mae gan bob un ei chymeriad unigryw ei hun, efallai bod gennych eisoes ffefryn. Rhagor o fanylion: <https://bit.ly/3vhupog>



➡ Mae'r mapiau yn y proffil hwn yn fapiau Arolwg Ordnans - maent yn ffordd wych o'ch helpu i ddod o hyd i Hawliau Tramwy Cyhoeddus a Thir Mynediad Agored lleol naill ai trwy fapiau papur neu drwy'r ap ffôn. Rhagor o fanylion: <https://bit.ly/2Wi52Mo>



➡ Mae gan y sir hefyd nifer o lwybrau beicio dynodedig, ac mae llawer ohonynt yn rhan o'r Rhwydwaith Beicio Cenedlaethol a rhwydwaith Teithio Llesol Sir Gaerfyrddin. Mae dros 100km o lwybrau beicio dynodedig yn y sir. Rhagor o fanylion: <https://bit.ly/3gQopVC> a <https://bit.ly/2OLDLkh>



➡ Tra byddwch allan am dro - cadwch at y Cŵd Cefn Gwlad bob amser - <https://bit.ly/3oyOGRm>

Llwybrau cerdded/safleoedd lleol i'w harchwilio

Efallai bod gennych eisoes eich hoff lwybr cerdded yn eich ardal leol, lle byddwch yn profi'r newidiadau tymhorol trwy gydol y flwyddyn. Efallai eich bod yn cerdded yr un llwybr yn rheolaidd, ond ni fydd bywyd gwylt yn gwneud hynny. Felly cadwch eich llygaid ar agor, mae rhywbeth newydd i'w weld neu brofi bob amser. Beth am gerdded ffordd arall? Efallai y byddwch yn gweld rhywbeth gwahanol gyda'r un golygfeydd, ond mewn ffordd wahanol.

Dywedwch wrthym am eich hoff lwybr cerdded neu'ch hoff lle - dyma rai syniadau.

Cyffredinol

- ➡ Mae pedwar grŵp 'Cerddwyr' lleol yn Sir Gaerfyrddin sy'n archwilio'r sir. I gael rhagor o wybodaeth am grwpiau 'Cerddwyr' yn Sir Gaerfyrddin, ewch i: <https://bit.ly/3r6xZZn>
- ➡ Mae Cerdded Iach Sir Gaerfyrddin yn fenter sy'n ceisio annog pobl o bob oed a gallu i fanteisio ar y buddion corfforol, cymdeithasol ac iechyd meddwl a gynigir trwy gerdded mewn grwpiau o bobl o'r un meddylfryd. Mae'n gwneud hyn trwy sefydlu grwpiau cerdded o amgylch y sir. Rhagor o fanylion: <https://bit.ly/3cnmCHU>
- ➡ Mae gwefan **Darganfod Sir Gâr** yn hyrwyddo llwybrau cerdded a beicio lleol: <https://bit.ly/3cpxowX>

Rhai awgrymiadau lleol

- Cronfa ddŵr Trebeddrod (pwll ffwrnais) • Taith gerdded Sant Illtyd
- Parc Arfordirol y Mileniwm: Parc Sandy Water, Llyn Pwll a Gorsaf Bwmpio, Ffordd y Wagen, Pyllau Morolwg ac Ashpits

Eich Ward - Dyma rai o'r lluniau yr ydych wedi'u cyflwyno i ni



Golygfa o lwybr arfordirol © V. Haines



Pwll Ashpits © V. Haines



Pwll © R.Pryce



Pwll Morolwg © V. Haines



Coedwigoedd clychau'r gog © V. Haines



Ffordd y Wagen © V. Haines



Parc Sandy Water